

74635

卷十四
人物

列傳一

卷十五
人物

列傳二

卷十六
人物

列傳三

蕭山縣志稿

蕭山縣志稿卷十四

人物一目次

三國

朱朗

晉

夏方夏統

宋

孫處郭世道郭原平

齊

戴僧靜

唐

許伯會賀知章李渭戴恭俞僅

蕭山縣志稿

卷十四

目次

一

宋

張夏於琳張孝伯張卽之張叔椿

明

魏驥殷旦何舜賓何競童憲章張嶺來斯行葛盛德

李承芳吳應科王宗茂楊夢陶沈至緒沈如懋沈奇勳陳翔龍

胡其廉任亶斐翁德洪楊守程楊雲門倪文徵來凝之

子誼

翁遜八十九張鋸匠虞德元樓成道朱伯玉

清

洪有度蔡佳楊彪趙德仁王躍

蕭山縣志稿卷十四

乾隆志有傳而全改原文者曰更纂補入及續其後者曰新纂

人物一

乾隆志原注正史有傳或附見別傳及忠孝大節史未及載者俱編入第一

三國

朱朗字恭明會稽永興人父爲烏傷長陳顗所殺恭明志在報讐未聞顗滅亡刺殺其子遂奔魏見三國志注

乾隆志按語考晉書陳顗傳仕東晉官至梁州刺史未爲烏傷長且生不同時或魏晉時有兩陳顗偶同姓名耳

晉

夏方字文正會稽永興人也家遭疫癘父母伯叔羣從死者十三人方年十四夜則號哭晝則負土十有七載葬送得畢因廬於墓側種植松柏烏烏猛獸馴擾其旁吳時拜仁義都尉累遷五官中郎將朝會未嘗乘車行必讓路吳平除高山令百姓有罪應加捶撻者方向之涕泣而不加罪大小莫敢犯焉在官三年州舉秀才還家卒年

蕭山縣志稿

卷十四

人物 列傳一

八十七見晉書本傳

夏統字仲御會稽永興人也幼孤貧養親以孝聞睦於兄弟每採杞求食星行夜歸或至海邊拘蟻蠅以資養雅善談論宗族勸之仕謂之曰卿清亮質直可作郡綱紀與府朝接自當顯至如何甘辛苦於山林畢性命於海濱也統勃然作色曰諸君待我乃至此乎統自此遂不與宗族相見會母病統侍醫藥宗親因得見之後其母病篤乃詣洛市藥會三月上巳洛中王公已下並至浮橋士女駢闐章服燭路統時在船中曝所市藥諸貴人乘車來者如雲統並不之顧太尉賈充怪而問之統初不應重問乃徐答曰會稽夏仲御也充使問其土地風俗統曰其人循循猶有大禹之遺風太伯之義讓嚴遵之抗志黃公之高節乃更就船與語其應如響欲使之仕則俛而不答充欲耀以文武鹵簿觀其來觀因而謝之遂命建朱旗舉幡校分羽騎爲隊軍伍肅然須臾鼓吹亂作胡笳長鳴車乘紛錯縱橫馳道又使妓女之徒服袿襍炫金翠繞其船三匝統危坐如故若無所聞充等各散曰此吳兒是木人石心也統歸會

稽竟不知所終見晉書本傳

宋

孫處字季高會稽永興人籍注季高故字行於世高祖東征孫恩季高義樂從隨高祖平定京邑以爲振武將軍封新夷縣五等侯廣固之役先登有功盧循之難於石頭扞柵戍越城查浦破賊於新亭高祖謂季高曰此賊行破應先傾其巢窟令奔走之日無所歸投非卿莫能濟事遣季高率衆三千汎海襲番禺初賊不以海道爲防季高至東衝去城十餘里城內猶未知循守戰士猶有數人城池甚固季高先焚舟艦悉力登岸會天大霧四面陵城卽日克拔循父擬南史作擬長史孫建之司馬虞彪夫等輕舟奔始興卽分遣振武將軍沈田子等討平始興南康臨賀始安嶺表諸郡循於左里奔走而衆力猶盛自嶺道襲廣州季高拒戰二十餘日循乃破走所殺萬餘人追奔至鬱林會病不得窮討循遂得走向交州義熙七年四月季高卒於晉康時年五十三追贈龍驤將軍南海太守封侯官縣侯食邑千戶九年高祖念季高之功重

蕭山縣志稿

卷十四

人物 列傳一 二

贈交州刺史將軍如故子宗世卒子欽公嗣欽公卒子彥祖嗣齊受禪國除見宋書

本傳

郭世道

南史作世通

會稽永興人也生而失母父更娶世道事父及後母孝道淳備年十四

又喪父居喪過禮殆不勝喪家貧無產業傭力以養繼母母亡負土成墳親戚或共賻助微有所受葬畢傭賃倍還先直服除後哀戚思慕終身如喪者以爲追遠之思無時去心故未嘗釋衣帽仁厚之風行於鄉黨鄰村小大莫有呼其名者嘗與人共於山陰市貨物誤得一千錢當時不覺分背方悟請其伴求以此錢追還本主伴大笑不答世道以已錢充數送還之錢主驚歎以半直與世道世道委之而去元嘉四年遣大使巡行天下散騎常侍袁愉表其淳行太祖嘉之敕郡榜表闔門蠲其稅調改所居獨楓里爲孝行焉太守孟顗察孝廉不就子原平見宋書本傳

郭原平字長泰

南史作長恭

又稟至行養親必已力性嫻木功傭賃以給供養性謙虛每爲

人作匠取散夫價主人設食原平自以家貧父母不辦有肴味唯飧鹽飯而已若家

或無食則虛中竟日義不獨飽要須日暮作畢受直歸家於里中買糲然後舉爨父抱篤疾彌年原平衣不解帶口不嘗鹽菜者跨積寒暑又未嘗睡臥父亡哭踊慟絕數日方蘇以爲奉終之義情禮所畢營壙凶功不欲假人本雖智巧而不解作墓乃訪邑中有營墓者助人運力經時展勤久乃閑練又自賣十夫以供衆費窀穸之事儉而當禮性無術學因心自然葬畢詣所買主執役無懈所餘私夫傭賃養母有餘聚以自贖本性智巧既學構家尤善其事每至吉歲求者盈門原平所赴必自貧始既取賤價又以夫力助之父喪既終自起兩間小屋以爲祠堂每至節歲烝嘗於此數日中哀思絕飲粥父服除後不復食魚肉於母前示有所噉在私室未曾妄嘗自此迄終三十餘載高陽許瑤之居在永興罷建安郡丞還家以縣一勛遺原平原平不受送而復返者前後數十瑤之乃自往曰今歲過寒而建安縣好以此奉尊上下耳原平乃拜而受之及母終毀瘠彌甚僅乃免喪墓前有數十畝田不屬原平每至農月耕者恆裸袒原平不欲使人慢其墳墓乃販質家貲貴買此田三農之月輒束

蕭山縣志稿

卷十四

人物 列傳一 三

帶垂泣躬自耕墾每出市賣物人問幾錢裁言其半如此積時邑人皆共識悉輒加本價與之彼此相讓欲買者稍稍減價要使微賤然後取直居宅下濕遠宅爲溝以通淤水宅上種少竹春月夜有盜其筍者原平偶起見之盜者奔走墜溝自以不能廣施至使此人顛沛乃於所植竹處溝上立小橋令足通行又采筍置籬外鄰曲慚媿無復取者又以種瓜爲業世祖大明七年大旱瓜漬不復通船縣官劉僧秀愍其窮老下漬水與之原平曰普天大旱百姓俱困豈可減溉田之水以通運瓜之船乃步從他道往錢唐貨賣每行來見人牽埭未過輒迅機助之己自引船不假旁力若自船已渡後人未及常停住須待以此爲常嘗於縣南郭鳳埭助人引船遇人相鬪者爲吏所錄聞者逃散唯原平獨住吏執以送縣縣令新到未相諳悉將加嚴討原平解衣就罪義無一言左右小大咸稽顙請救然後得免由來不謁官長自此以後乃修民敬太守王僧朗察孝廉不就太守蔡興宗臨郡深加貴異以私米饋原平及山陰朱百年妻原平固讓頻煩誓死不受人或問曰府君嘉君淳行愍君貧老故如

此瞻豈宜必辭原平曰府君若以吾義行邪則無一介之善不可濫荷此賜若以其貧老邪臺齒甚多屢空比室非吾一人而已終不肯納百年妻亦辭不受泰豫元年興宗徵還京師表其殊行宜舉拔顯選以勸風俗舉爲太學博士會興宗薨事不行明年元徽元年卒於家原平少長交物無忤辭於人與其居處者數十年未嘗見喜愠之色三子一弟並有門行長子伯林舉孝廉次子靈馥儒林祭酒皆不就見晉書本傳

齊

戴僧靜會稽永興人也祖飾宋景平中與富陽孫法先謀亂伏法家口徙青州僧靜少有膽力便弓馬事刺史沈文秀俱沒虜後將家屬叛還淮陰太祖撫畜之常在左右虜圍甬城遣僧靜戰盪數捷補帳內軍主隨還京師勳階至積射將軍羽林監沈攸之事起太祖入朝堂僧靜爲軍主從袁粲據石頭太祖遣僧靜將腹心先至石頭時蘇烈據倉城僧靜射書與烈夜縋入城粲登城西南門列燭火處分臺軍至射之火

蕭山縣志稿

卷十四

人物 列傳一 四

乃滅回登東門其黨輔國將軍孫曇曜驍勇善戰每盪一合輒大殺傷官軍死者百餘人軍主王天生殊死拒戰故得相持自亥至丑有流星赤色照地墜城中僧靜率力攻倉門身先士卒衆潰僧靜手斬粲于是外軍燒門入僧靜以功除前軍將軍寧朔將軍昇明二年除游擊將軍沈攸之平論封諸將以僧靜爲興平縣侯邑千戶太祖卽位增邑千二百戶除南濟陰太守本官如故除輔國將軍改封建昌建元二年遷驍騎將軍加員外常侍轉太子左衛率世祖踐阼出爲持節督徐州諸軍事冠軍將軍北徐州刺史買牛給貧民令耕種甚得荒情遷給事中太子右率尋加通直常侍永明五年隸護軍陳顯達討荒賊桓天生于比陽僧靜與平西司馬韓孟度華山太守康元隆前進未至比陽四十里頓深橋天生引虜步騎十萬奄至僧靜合戰大破之殺獲萬計天生退還比陽僧靜進圍之天生軍出城外僧靜又擊破之天生閉門不復出僧靜力疲乃退除徵虜將軍南中郎司馬淮南太守八年巴東王子鸞殺僚佐世祖召僧靜使領軍向江陵僧靜面啓上曰巴東王年少長史捉之太急忿不

思難故耳天子兒過誤殺人有何大罪今忽遣軍西上人情惶懼無所不至僧靜不敢奉敕上不答而心善之徙爲廬陵王中軍司馬高平太守將軍如故九年卒諡壯侯見南齊書本傳

唐

許伯會越州蕭山人或曰元度十二世孫舉孝廉上元中爲衡陽博士母喪負土成墳不御絮帛嘗滋味野火將逮塋樹悲號于天俄而雨火滅歲旱泉湧廬前靈芝生見新唐書本傳

賀知章字季真越州永興人性曠夷善談說證聖初擢進士超拔羣類科累遷太常博士開元十三年遷禮部侍郎兼集賢院學士一日併謝宰相源乾曜語張說曰賀公兩命之榮足爲光寵然學士侍郎孰爲美說曰侍郎衣冠之選然要爲具員吏學士懷先王之道經緯之文然後處之此其爲間也玄宗自爲贊賜之遷太子右庶子充侍讀申王薨詔選挽郎而知章取舍不平蔭子喧訴不能止知章梯牆出首以決事

蕭山縣志稿

卷十四

人物 列傳一 五

人皆斬之坐徙工部肅宗爲太子知章遷賓客授秘書監知章晚節尤誕放邀嬉里巷自號四明狂客及秘書外監每醉輒屬辭筆不停書善草隸好事者具筆研從之意有所愜不復拒然紙纔十數字世傳以爲寶天寶初請爲道士還鄉里詔許之以宅爲千秋觀而居又求周官湖數頃爲放生池有詔賜鏡湖剡川一曲旣行帝賜詩皇太子百官餞送擢其子僧子爲會稽郡司馬賜緋魚使侍養幼子亦聽爲道士卒年八十六肅宗乾元初以雅舊贈禮部尙書見新唐書本傳

李渭文宗太和七年三月浙江東道奏渭幼失父母與兄二人同居兄病渭割股療之因差後兩兄俱死奉寡嫂孤姪二十餘年衣食無偏莊田租稅渭自主辦資財管鑰寡嫂掌之其家頻人芝草詔旌表門閭見冊府元龜

戴恭字元敬少居母喪十年廬墓生芝草嘉禾見嘉泰會稽志

俞僅遭親喪哀毀骨立爲鄉里所稱觀察使孟簡書於圖經以勵風俗見嘉泰會稽志
乾隆志按語唐書孝友傳序云唐受命二百八十八年以孝悌名通朝廷者多閭

巷刺草之民皆得書於史官蕭山李渭許伯會戴恭俞僅皆事親居喪著孝友者
考列傳李戴俞三人雖無專傳然已列名傳序因編入人物第一

宋

張夏行六五

府志

蕭山人

見張氏宗譜

稱十一郎官在吳越王時其父亮爲刑部尙書而

公以任子起家

見毛奇齡合

泗州大水州幾溺公時以司封員外郎守是州築堤以

禦之

先見歐陽公

景祐中浙江石塘積久不治人患墊溺以工部郎中出使因置捍江

兵士五指俾專探石修塘隨損隨治衆賴以安邦人爲之立祠朝廷嘉其功封寧江

侯

見宋史河渠志考周輝清波雜志云仁宗皇祐初公出使爲兩浙轉運使杭州江

岸率用薪土潮水冲激不過三載輒壞公乃作石堤十二里以防江湖之患既成人

感德不朽仁宗慶歷中立廟於隄上嘉祐十年贈太常少卿

見葉紹翁四朝聞見錄考宋史嘉祐改元止八

字誤

理宗淳佑十一年三月二十七日封顯應侯敕有學精行成發廩以活飢餓出

力以濟婚喪族黨歸德閭里稱仁等語度宗咸淳四年十月十八日敕封護隄侯

見張

蕭山縣志稿

卷十四

人物 列傳一 六

氏宗

清雍正三年六月敕封靜安公

於琳

萬曆府志

爲越州防城保甲建炎初陳通叛琳從浙東安撫使討賊戰敗被執賊

刺其面強降之琳罵不屈賊攢射罵不絕口死越帥翟汝文束藁招魂哭而祭之

張孝伯

浙江通志隆興元年木

寧宗本紀嘉泰三年十月以張孝伯同知樞密院事四

年四月張孝伯參知政事韓侂胄傳京鏗死侂胄亦頗厭前事張孝伯以爲不弛黨

禁後恐不免報復之禍侂胄以爲然追復趙汝愚朱熹職名留正周必大亦復秩還

政僞黨之禁寢解見宋史

張卽之字溫夫參知政事孝伯之子以父恩授承務郎銓中兩浙轉運司進士舉官至

司農寺丞知嘉興未赴引年告老特授直秘閣致仕寶祐四年制置使余晦以讒劾

閩州守王惟忠坐棄市卽之雖閒居移書賈似道恤其遺孤卽之以能書聞天下金

人尤貴其翰墨見宋史

張叔椿孝宗本紀淳熙十三年

刊誤作

十一月戊午遣張叔椿等賀金主生辰光宗本

紀紹熙四年

刊誤作三年

九月庚午重明節百官上壽侍從兩省請帝朝重華宮不聽中

申帝將朝重華宮皇后止帝十月甲寅壽皇曰朕自秋涼以來思與皇帝相見卿等

奏疏已令進御前矣明日會慶節帝以疾不果朝丞相葛邲率百官朝於重華宮侍

從上章待罪嘉王府翊善上疏請誅內侍楊舜卿臺諫張叔椿章穎上疏乞罷黜皆

不報紹熙五年六月孝宗崩光宗以疾不能出留正等屢請立嘉王爲皇太子帝許

之

嘉王即寧宗

正擬旨以進是夕御批付丞相云歷事歲久念欲退閑正懼以疾辭去寧

宗即位趙汝愚請召還留正侍御史張叔椿劾留正擅去相位詔叔椿爲吏部侍郎

留正罷以觀文殿大學士判建康府冬十月右諫議大夫

刊誤云吏部侍郎兼官也

張叔椿再劾

留正詔落正觀文殿大學士見宋史

乾隆志按語舊志叔椿字景韶由進士拜殿中侍御史紹熙中請朝重華宮劾留

正擅去相位出守建甯三衢皆有廉能聲子復初考宋史叔椿無專傳事見孝光

寧本紀及趙留二傳中舊志載其子復初尙長寧縣主封永國公於史無考不敢

蕭山縣志稿

卷十四

人物 列傳一 七

濫登至其孫稱孫史傳不載官階封爵故列之人物二

明

魏驥字仲房永樂乙酉舉人丙戌會試副榜授松江訓導召修永樂大典遷太常博士

宣德初遷吏部考功員外郎歷南京太常寺少卿正統三年召試行在吏部左侍郎

踰年爲眞畿甸蝗奉詔巡視問民疾苦尋調禮部改南京吏部十三年滿九載入見

就進尙書英宗北狩驥率諸司條上時務多施行景泰元年年七十七致仕驥居官

務大體在太常山川壇獲雙白兔圻內生瑞麥皆卻不進在吏部有進士未終制求

考功驥持不可法司因旱卹刑有王綱者惡逆當辟或憫欲緩之驥曰此婦人之仁

也獄決而雨正統中王振怙寵陵公卿獨嚴重驥呼先生景泰初以請老至京師大

學士陳循驥門生也請問曰公雖位冢宰然未嘗立朝願少待事在循輩而已驥正

色拒之竟致仕去驥端厚祇愼顧勁直好別白君子小人居憂國憂民老而彌篤

蕭山故多水患驥倡修螺山石巖畢公諸塘堰捍江湖興湖利鄉人賴之居恆布衣

糲食不殖生產事兄教諭騏驎雖耄益恭時戴笠行田間成化七年卒賜祭葬如禮諡文靖其子完以驥遺言詣闕辭葬乞以其金賑飢民帝憮然以爲純臣許之蕭山民詣闕請祀於德惠祠以配楊時制曰可見明史列傳彙

乾隆志按語驥希哲子希哲兄伯雅無嗣遂爲伯雅後祖毅父伯雅並贈如驥官子完孫年以祖廕蒼梧縣丞

今按驥祖毅元時廣東鹽課使提舉父希哲洪武中薦知上高縣世父伯雅官寶鈔提舉司都監驥爲之後晚年自號南齋又取天壽平格之意號平齋卒年九十有八著有南齋摘稿十卷

殷旦永樂進士授監察御史果敢無所避錦衣衛指揮使紀綱怙寵驕恣旦劾之綱棄市轉交趾道按察司副使黎利叛據南交悉逐朝廷命吏留旦欲官之旦不屈自經死交人義之具棺衾送孥於境

何舜賓字穆之號醒菴自高祖以上五世皆仕宋有名三世祖爲端平進士四世祖宗

蕭山縣志稿 卷十四 人物 列傳一 八

可道可兄弟舉咸淳鄉薦登進士舜賓成化己丑進士擢南京湖廣道監察御史嘗理畿甸渠道與權有力忤謫戍廣西慶遠衛還赦還里邑有湘湖歲久浸湮前經魏文靖擴復而豪家不法仍肆牟食舜賓慨然曰吾不能治渠當治湖遂發湖私占者

揭縣縣具奏當塗鄒魯以御史謫蕭山弘治九年從寧光衛經展遷此明湖民憾舜

賓者爭賂魯蔡仲光集作迎賂魯蓋謀變其事舜賓語侵魯明史云魯貪暴狡悍舜

集所謂豪魯遂銜舜賓刺骨誣前奏爲盜署事印以奏非署事官奏且身絀戍逃無

遇赦牒冒濫冠帶應押原衛廉理揭下所司治所司不可史作魯隱其文牒詭言舜

核上官不魯念舜賓終害己且宿驕悍惡舜賓敢枝柱魯自號蕭然逐客改牧民堂

爲寄秀堂舜賓譏之成仇見紀錄又探舜賓陰具實封將入奏會舜賓門下士憂居

訓導童憲章知魯陰事魯陷以他罪誣以掘冢論絞獄上憲司疑之更下府覆驗魯

喉解人押憲章過舜賓隨遣里胥隸劄數十百人執兵尾其後至門大呼曰舜賓篡

取重囚毀門而入刳所具實封及成化二十三年原給赦牒及緣例冠帶憑照遂縛

辱憲章并收舜賓掠其貲擁而去庭鞠舜賓憲章各箠以四十下憲章獄立爲文解
舜賓慶遠不上請徑械繫舜賓遣柵捕任觀等史作解役任寬蓋字音之誤耳十一人執器押就道
續遣田敏胡紀等十三人諭意又喉瀕湖豪民使執械衛諸柵傳以子競亡未獲而
其女夫爲福建僉事富玆慮有篡取之者也敏紀等承意追至三衢屏去服食驅侵
之過玉山舟再押之步至餘干宿昌國寺反禿袖蒙面氣絕史作以濕衣閉其口壓殺之乃故爲
白官相視揭置而歸一作厝上荒坪魯押其子棘載歸此弘治十一年戊午七月日也散見明史及
各傳

何競字邦植父舜賓爲知縣鄒魯所殺復捕舜賓妻子競與母逃常熟匿父友王鼎家
已而魯遷山西僉事將行競乃潛歸與族父何寧謀召親友數十人飲之酒爲舜賓
稱冤中坐競出叩首哭以請皆踴躍願效命乃各持器伏盛家港陳習園內伺魯過
競袖鐵鎚奮擊騶從駭散仆其輿裸之杖齊下矐兩目鬚髮盡拔競拔佩刀砍其左
股必欲殺之爲衆所止乃與魯連鎖赴按察司而預令族父澤走闕下訴冤僉事蕭

蕭山縣志稿

卷十四

人物 列傳一 九

翀故黨魯嚴刑訊競競大言曰必欲殺我我非畏死者顧人孰無父母且我已訟於
朝非公輩所能擅殺嚼臂肉擲案上含血噴翀面一堂皆驚會競疏已上遣刑部郎
中李時給事中李舉會巡按御史鄧章雜治諸人持兩端擬魯故屏人衣食至死競
部民毆本屬知縣篤疾律俱絞餘所逮數百人擬罪有差競母朱氏復搥登聞鼓訴
冤魯亦使人馳訴乃命大理寺正曹廉會巡按御史陳銓覆治廉曰爾等何毆縣官
競曰競知父讐不知縣官但恨未殺之耳廉以致死無據遣縣令揭棺驗之驗者報
傷而解役任觀慷慨首實且出舜賓臨終所付血書於是衆皆辭伏改擬魯斬競徒
三年法司議競遣戍且曰魯已成篤疾競爲父報讐律意有在均俟上裁帝從其議
戍競福寧衛時弘治十四年二月也後武宗登極肆赦魯免死競赦歸又九年卒競
自父歿至死凡十六年服喪終其身散見明史及各傳

童憲章字景仁號炊沙以歲貢上民情五十六事於朝憲宗頗採行焉爲御史何舜賓
門人時舜賓發豪民私佔湘湖揭縣具奏豪民賂令鄒魯鄒魯者蓋明史所稱貪暴

狡悍者也誣舜賓盜署事官印思有以中之知憲章爲舜賓門人而疑其合以謀也遂陷憲章以重罪論絞獄上憲司疑下府覆治取道縣中魯知憲章必入與舜賓謀乃嚇解人陰縱憲章使入舜賓家而遣里胥隸剽數十百人執兵尾其後至門大呼曰舜賓篡取重囚毀門而入指農具爲拒器入室遂縛憲章并收舜賓擁而去庭鞫痛筆之下憲章獄立爲文解舜賓赴慶遠謀死於餘干昌國寺初舜賓謫戍時憲章上疏願身代其大意云君親師在三之節忠孝弟子之職且師舜賓年老母八旬懇乞代戍雖死無憾憲章廣信府訓導署篆鉛山貴溪皆有異政陞廣德州學正著有炊沙稿受教錄卒年七十有九以次子瑞仕贈中書舍人見蔡仲光何孝子傳及縣學志

張嶺字時俊成化丁未進士弘治初授上饒知縣遷南京兵部車駕司主事歷刑部郎中正德三年外轉出守興化明年罷歸嶺遷車駕時忤南京內守備太監及爲刑部郎隆平侯張佑卒無嗣弟祿與族人爭襲賄劉瑾瑾囑不聽暨嶺守興化瑾遣使巡

蕭山縣志稿

卷十四

人物 列傳一 十

省郡假以盤府貯財物徧索貨賂預嶺手記饋以金顏

香名一作金香

嶺不報會興化戴大

賓以第三人及第弱冠瑾欲奪其妻妻瑾侄女嶺復執不可瑾大怒遂撫隆平奪爵事罷嶺職瑾伏誅起知南雄擢江西右參政領饒州兵剿擒萬年賊王重七及上猶賊龔福全等進右布政使遷左寧王宸濠欲拓地廣其居嶺執不可大恚遣人餽之嶺發視則棗梨薑芥蓋隱語也尋入覲吏部考第一宸濠大懼賂錢寧等謀置散地遂遷光祿卿明年以右副都御史巡撫保定等處佞倖江彬錢寧等請上西狩所至郡縣扈從者索金璧裘馬婦女等名曰供應嶺所統轄獨無張忠責之矯旨令歸明年宸濠反伏誅又二年世宗卽位江彬錢寧皆伏誅乃起嶺都察院右都御史總督兩廣軍務兼理巡撫一切便宜行事廣東新寧恩平賊蔡猛三嚴阮等及廣西上思州賊黃鏐殘破州縣嶺討禽鏐黨黃廷寶乃合兵三萬餘人擊新寧諸賊破巢二百禽斬一萬四千餘人俘賊屬五千九百餘人猛三嚴阮等皆授首捷聞獎資程鄉賊梁八尺等與福建上杭流賊相應遣都指揮李臯等會福建官兵夾擊俘斬五百餘

人歸善李文積聚奸宄拒捕討之久弗克潰遣參政徐度等勦之俘斬千餘人佛郎機國人別都盧剽劫滿刺加諸國復率其屬疎世利等擁五舟破巴西國遂入寇新會潰遣將出海禽別都盧疎世利等獲其二舟賊乃遁嘉靖三年九月召掌南京都察院事十月進南京工部尙書六年累疏乞歸致仕明年詔進一品階榮祿大夫越二年卒年七十四散見明史列傳稿

乾隆志按語毛奇齡列傳稿尙有正史未及採者嘉靖元年平廣西融縣賊周克亮二年平福建賊江小范四江廣賊黃萬山賴廉歷任多政蹟上饒立社倉裁浮驛清漁畝造舟梁濬潯捍陂以防暎澤興化疏行估禁漂市南雄罷賽祀節夫里復庾嶺張文獻祠改郡縣兩學以盤鹽權椒代民虛賦南京開金城溝其從保定巡撫歸清復鄉民吳瓚等占佃湖田如千畝西江塘北海塘茅山岡圯修之官江右時忤宸濠正德丙子秋例監鄉試已入棘濠遣官校二十人破司後廨出夫人戴并童婢等別廳事盤檢帑著得衣冠文書數竹箱無鐳鑄錢數緡日用薪米而已潰臨歿遺言曰吾得以楓邱易名字足矣其子遵公命勿復請諡子弁以父陰入監官至通判潰於弘治中丁艱歸日省墓攀楓悲號徘徊不忍行因別字楓邱以志不忘云

蕭山縣志稿

卷十四

人物 列傳一 十一

來斯行字道之號馬湖萬歷丁未進士遭父憂歸庚戌謁選授刑部主事著獄志四十卷時代王鉅鈞薨二子爭立斯行疏言鼎涓嫡嗣且有成命宜立鼎沙挾母寵爭襲宜懲朝廷從其議壬子典試廣西事竣聞母王喪歸服闋補工部主事督大工廷中貴人坐察典左遷永平推官以遼事方殷駐天津督南北二饌斯行請復元人膠河故道輓江淮之粟直達天津因繪圖系說以進課費不過十萬當事聽之而弗能用秩滿擢兵部主事出監遼海軍治兵天津天啓二年山東白蓮教倡亂巡撫趙彥櫟斯行提兵往援道經景州妖黨于弘志等聚衆數千人聲言攻州城州人大恐遮留官軍斯行陽卻之密令次子燕禧率軍潛發一鼓殲賊白家屯乃援山左時賊首張東白據鄒縣徐鴻儒據滕縣相與犄角抗官兵鴻儒尤黠桀斯行請先復滕縣以孤

賊勢因與總兵官合師而進連戰克捷鴻儒棄城奔戈里兩伏山據險立營中尙十萬燕禧先焚其輜重於他所復躡之戈里再戰皆捷擒偽掃地王任之體鄒城聞之欲乞降鴻儒復自戈里入鄒城斬欲降者爲死守計大兵築長圍以困之穴城城破鴻儒潰圍逃燕禧追獲之獻俘京師山東平斯行遜功不居循例晉秩參議仍備兵津門未幾貴陽有安酋之亂水西諸苗爭附之長田阿秧者苗之魁桀居偏頭辰沅之間扼官兵饌道當事以斯行知兵授平越道仍稍錄平妖功擢貴州按察使屬以兵事斯行曰是未可以兵威勝也適貴平州吏楊啓政訴冤行問詰之舊嘗習秧者斯行喜曰吾得間矣密授以計令詐投秧不五日函秧首而還諸苗懾服斯行以所許啓政格於當事自病食言引疾去崇禎元年起補鬱林道尋擢福建右布政與當事忤居半載乞骸歸崇禎六年癸酉四月卒年六十七十五年壬午由邑令申請大吏允於本縣建立特祠適明亡不果著有論語頌四書小參四書問答拈經史典奧韻會五經音詁經史淵珠槎菴集燕語塵談白華樓詩稿古頌居士傳子彭禧燕禧

蕭山縣志稿

卷十四

人物

列傳一

十二

呂禧皆有傳更纂

葛盛德任富順縣丞萬歷末奢酋叛有斬獲功天啓二年遇賊長興西關與弟姪六人俱歿於陣卹贈叙州府

李承芳廣州守備天啓七年征長樂賊歿於陣

吳應科任河南武安典史

舊志作主簿

闖賊至應科率民兵戰賊走追之賊見兵少反鬪衆寡不敵死於陣武安民哀之立祠肖像以祀見河南省志

王宗茂邑諸生也慷慨負大節時山寇劫殺男婦哭聲震野遂燒毀衣巾奮身血戰邑賴以全後渡富春江被寇亂箭射死

楊夢陶明末山寇竊發與王宗茂奮力剿滅遇賊於富春江陷陣力戰而殞

沈至緒崇禎四年武科進士十六年任道州守備流賊寇道州至緒出戰已敗賊於麻灘驛斬其渠賊懼將徙去會大雨左體被創鞬韉流血足僵墜鎧爲援賊所殺掠其屍去女雲英年二十自帥十騎束髮被革直趨賊砦乘賊未集伍連殺賊三十餘

級負父屍而還時湖撫王聚奎睹其事奏請降敕贈至緒昭武將軍祠之麻灘驛廕一子入監以雲英爲游擊將軍領父衆見俞汝言三術補雲英自有傳

沈如懋崇禎十年武進士授廣東白鵠寨守備殉流寇難

沈奇勳崇禎庚辰武科進士任廣東惠州守備遷游擊虔漳寇圍惠城奇勳率步卒三百人突入賊營斬獲甚衆賊走追之賊復合重兵以圍七日援絕糧盡單騎奮擊創甚墮死撫按上其狀贈驃騎將軍子麟孫陰百戶妻倪氏年二十六扶柩歸守節事姑父鎮華乳源知縣絕食而死母朱氏同妾董氏咸以完節著聞

陳翔龍蕭山人崇禎十五年大兵圍河間遠近震恐臨清總兵官劉源清

澤清弟偕權關

主事陳興言同知路如瀛判官徐應芳吏目陳翔龍在籍兵部侍郎張宗衡員外郎邢泰吉臨汾知縣尹任及張振秀等合力備禦未幾城被圍力拒數日援不至城破並死之見明史張振秀傳

胡其廉字冲素崇禎間由福建長樂主簿陞四川富順縣丞以道遠僅挈子先春以行

蕭山縣志稿

卷十四

人物

列傳一

十三

時羣盜四起適獻賊兵入登陴慟哭賊脅之降其廉曰我官雖卑豈肯爲豺狼低首耶罵不絕口殉節死子先春亦遇害時崇禎甲申八月十六日也事載富順縣志先春生二子長肇新次祿安祿安自有傳

互見列女胡節母沃氏傳

任宣斐兩蛟子甫十餘歲有土寇圍其家索兩蛟宣斐詭詞免其父遂遇害後數十令王吉人旌曰孝子

翁德洪字纖若歲貢生崇禎壬午棄書從軍闖賊陷京師德洪已早歸乙酉丙戌防江之役亦與其事既而赴金華戎幕從朱大典抗北兵戰死

更纂

今按乾隆志德洪殉闖難死於京師今從蔡謙齋詩注訂正

楊守程字雪門明末諸生江防潰與妻湯氏及一子投去虎村池水死互見列女

新纂

楊雲門明末諸生守程族人來集之妻弟也江防潰自經死

更纂

倪文徵字舜年素業醫當明末時江防將潰避入鄉已而自賣所提藥囊易二缸以餘資置酒食召里中少年飲既酣曰吾明人死當爲明鬼矣請以二缸覆我諸少年皆

笑其妄文徵跪地搏顙再三姑應之翌日昇缸坎祖墓旁諸少年至適躍入日時至矣請覆少頃曰開之諸少年復大笑出之曰否吾坐未正也既正坐乃覆衆環走呼之初輒應久之漸微又久之而絕皆太息泣下封土去或謂文徵山陰人

更纂

今按倪文徵之爲蕭山人郭倫賦醫士生理句可證

來凝之蔡仲光外舅也丙戌江上師潰被繫旋沒於兵中其子誼不知父死變服行兵間覓之不得驅犢而歸被見受杖而死

新纂

翁遜字大生株墅人向與陳潛夫熊汝霖共事迨聞磧溪渡方國安軍先潰江上軍無固志遜扼腕自請再視江滸疾走沿江數百里見皆空壘遂謂潛夫曰國尙可爲乎北都覆南都陷不意及浙東也我將何之惟以錢江湖盪我胸中憤鬱也請先辭去遂一躍入江而死事見徐芳烈浙東紀略

新纂

八十九者沈姓亡其名明末畫江之役防軍既潰猶苦守榆青嶺殺一裨將北軍攻之急獨持笈笥奮鬪既而渴甚趨澗飲追者自後搦之墮水死又有張鋸匠者名亦佚

蕭山縣志稿

卷十四

人物 列傳一 十四

常掄大斧爲八十九之左右翼亦力鬪而死北兵初駐義橋聞張鋸匠八十九死乃

長驅而入

新纂

虞德元聞堰人丙戌之役土寇索餉甚急德元助多金猶未足乃舉刃刎其眉流血不

止而死

新纂

樓成道長山鄉樓家搭人丙戌清兵入境遇成道之兄執而欲殺之成道泣請免兄謂

兄素持齋且年老不如捨兄而殺我兵竟如其請活其兄殺成道以去

新纂

朱伯玉夙有氣節偕一時豪傑若山陰劉翼明餘姚邵應斗同與江上之役附見紹興

府志忠節劉穆傳

新纂

清

洪有度字子汪山西籍蕭山人順治十年授新城縣尉辛丑三月白頭賊自淶川抵縣有度聞警出追之至母子嶺賊竄匿山谷至夜復合圍有度奮力禦敵死之其妻林氏撫棺痛哭絕食死

蔡佳字爾嘉號麗菴中康熙丙午武鄉試投供兵部授千總甲寅耿藩變隨征當是時仙霞以東俱屬逆隸而旁近諸州亦多草竊佳與州同胡之灝招撫處州賊寇招偽將偽官多人賊兵一千五百四十有餘以功授金華援勦營守備康熙十四年偽總兵葉有功潛匿東陽散筭招兵佳偵知之率家丁夜入擒有功等九人以功授都司僉事清兵平閩逆黨曾養性祖宏勳等尙據温州議招撫佳偕同知汪士帽由管頭渡江入賊營宣諭曾欣然有降意先是佳擒葉有功時有賊逸去匿曾所遂勸曾抗守并令脅辱曾執佳佳罵不休賊裂其口輔刎其腹火其屍而汪士帽並被害後清兵進勦咸伏其辜而慙惠脅辱之人又逸去子之英以父忠未得旌亦抑鬱而死

楊彪官名王姓康熙甲寅隨征福建勦海陣亡追贈遊擊

趙孝子德仁父子揚康熙癸酉攜貲商於邕

今遷江縣

己卯以二鑑家問屬杭人孫養素倩

鄉人而歸之孫謹藏數年癸未發端州聞子揚走安南道死至杭渡江訪其家詢知子揚有二女其兒於父去後生年僅十一問食指凡幾婦云姑老而瞽叔已亡出書

蕭山縣志稿

卷十四

人物

列傳一

十五

授之語以入南交事未遽以凶問告乙未元日孫在邕有客言德仁來尋父骸者孫亟往其寓詰來狀曰祖母已歿兩姊適人吾託母於姊來步行六月有奇言已淚下形容枯悴兩足莫可伸屈詰朝移其寓他所而衣食之能起立逢人擊額問父瘞處得叢葬天涯亭之說辭孫欲往孫曰姑待之德仁堅欲往抵天涯亭不可得返邕有莫姓者至曰曩與汝父及洪聯帆往汝父至陸屋之平壁村而歿洪乞閩人林姓地埋之今洪已歿問林卽知瘞所時有杭人曹天保將自邕走欽訪其兄櫬孫邀之伴往曹先得兄棺德仁繼獲父柩木敗肉盡皆收其骨德仁哀甚還陸屋之天妃廟中一慟而絕時乙未陽月朔也里人鄭文遠具棺殮之與父骨同葬廟側凡在斯土者稱趙孝子咸哭奠之

以上乾隆志

王躍字伯儀世居西興曾祖景星明萬歷甲戌進士外祖黃可賢於崇禎間以明經任廣西慶遠府宜山縣縣丞以年老攜躍之父母與俱清順治初年天下異軍紛起廣西以國異路遙音訊不嗣客來有傳黃氏闔門死者躍大慟誓負親骨以歸迨廣西